

禮記通解

禮記通解卷十二

郝敬習

明堂位第十四

明堂位。取篇首語命篇。篇內所言。非盡明堂也。誇飾魯事以尊周公。尊周公而適以彰魯之僭。其事不可謂有。不可謂全無。魯之僭。見于春秋與詩。而皆託于成王之賜。故夫子因魯史成春秋。刪詩存魯頌。不錄魯風。示誰毀之義。後儒不察。謂夫子以天子之事與周公之後。不知周公之後自與也。乃緣飾明堂位之說明堂。不見于詩書。惟周頌我將之序云。祀文王。

于明堂。孟子云。明堂王者之堂。然則明堂誠有之。蓋
巡守朝會之所。猶宗廟之謂清廟云爾。戴德記有上
圓下方。九室十二堂三十六戶七十二牖。益以朱草
蒿宮。悠謬之譚。竊意古聖爲宮室。上棟下宇。以蔽風
雨。制從易簡。可久可大。南面而治。取諸離。法天觀象。
昏旦十二。取正中。重明麗正。居上臨下。未有一室盤
旋如機偶。以法天者也。此技方緯稗陋說。鄭玄好信。
云天子宮室皆然。豈非隱隱行怪者。與嗟乎。世遠教
湮。經殘禮壞。後人耳食秦漢以來處士之餘唾。自吾
夫子已云。文獻不足徵。況數千百年以下至今日乎。

禮家言多駁雜採真絀浮存乎高明之士嘿識不然則孟子謂盡信書不如無書者矣

昔者周公朝諸侯于明堂之位天子負斧依南鄉而立三公中階之前北面東上諸侯之位阼階之東西面北上諸伯之國西階之西東面北上諸子之國門東北面東上諸男之國門西北面東上九夷之國東門之外西面北上八蠻之國南門之外北面東上六戎之國西門之外東面南上五狄之國北門之外南面東上九采之國應門之外北面東上四塞齊世告至此周公明堂之位也明堂也者明諸侯之尊卑也昔殷紂亂天下脯鬼

侯以養諸侯。是以周公相武王以伐紂。武王崩。成王幼弱。周公踐天子之位以治天下。六年。朝諸侯於明堂。制禮作樂。頒度量。而天下大服。七年。致政於成王。

昔者周公朝諸侯于明堂之位。言成王幼。周公代爲天子。受諸侯朝也。天子負依以下。記明堂朝列之位。天子卽指周公。九夷八蠻等國未詳。九采卽九州。王制云。千里之外曰采。應門。天子正門。塞。謂夷服鎮服在外。爲蔽塞者也。世告至。謂嗣王卽位。與其國君立來告也。鬼侯。史記作九侯。九鬼聲近。脯。謂殺之以肉爲脯也。

按王者向明而治。謂之明堂。今云明堂爲明諸侯之尊卑。鑿說也。謂周公朝諸侯爲天子。負依南面。尤孟浪之言。愚嘗考詩書。知周公殺兄。作僞書者。誣之。周公踐祚。記禮者。誣之。武王年八十。生成王。九十三崩。成王立年十三。非甚童蒙也。故周公伐奄。討武庚。皆奉王以行。流言一至。避位二載。王不自悔。迎公。公不敢歸。故詩人歌曰。公孫碩膚。赤舄几几。孔子稱其不驕不吝。從古功高德隆。小心忠慎。未有如公者矣。豈有十三歲天子在位。宰相南面負宸。受諸侯朝之禮乎。況踐位六年。成王年已十九。七年致政。成王年已

二十周公何事貪權乃爾七年致政云者誤解洛誥
復于明辟王與誕保文武受命惟七年語緣飾之過
也說詳洛誥至明堂位次尤爲可疑天子南面諸公
北面是矣侯西面伯東面將誰朝乎九夷八蠻六戎
五狄立四門外或東西面或南北面天子不見朝者
朝者亦不見天子何爲乎至于五狄北門外南面將
使天子北面而受其朝乎九采之國鄭云九州之牧
也二伯帥諸侯入牧居外糾察夫朝者散列四門內
外九牧立南門外一方以糾察中外三方豈相及乎
禮諸侯朝天子北面積首今六服四面環繞相拜何

以明尊不拜不稽首一立而退何以成禮鄭氏謂六服以遠近或一二歲或五六歲一周則是明堂之位有東無西有南無北有門內無門外尤非朝常皆可哂也

成王以周公爲有勲勞於天下是以封周公於曲阜地方七百里革車千乘命魯公世世祀周公以天子之禮樂是以魯君孟春乘大路載弧韜旂十有二旒日月之章祀帝于郊配以后稷天子之禮也季夏六月以禘禮祀周公於大廟牲用白牡尊用犧象山罍鬱尊用黃目灌用玉瓚大圭薦用玉豆雕篋酸去聲爵用玉琖蓋仍

雕加以璧散圭璧角俎用琬綴綴升歌清廟下管象
朱干玉戚冕而舞大武皮弁素積禘而舞大夏昧東
夷之樂也任南蠻之樂也納夷蠻之樂於大廟言廣魯
於天下也君卷袞冕立于阼夫人副褱立于房中君肉
袒迎牲於門夫人薦豆饔餼大夫贊君命婦贊夫人各
揚其職百官廢職服大刑而天下大服

曲阜魯地孟春周正月建子冬至之月弧弓也以竹
爲弓所以張旂弓外有衣曰韞考工記謂弧旌枉矢
覲禮謂侯氏載龍旂弧韞是也日月畫于旂上者周
季夏六月建巳之月也禘本春祭惟魯用夏故下節

仍云夏禘禘祭帝三王始祖皆帝子祭始祖從出之
帝曰禘牲白牡用殷王禮不敢以時制待周公也尊
罍皆酒器爲牛形曰犧象猶形也或曰形似象也畫
山雲之文曰山罍罍尊盛鬱鬯之尊黃目尊爲獸形
以黃金飾目灌酌鬱鬯獻尸尸灌地也玉瓚以金爲
孟大圭爲柄玉豆以玉飾豆簋籩屬以竹爲之有雕
文爵行酒之器夏曰琖玉爲之仍用雕刻也加加爵
也正獻之外曰加散角皆爵名璧卽玉也俎以載肉
虞曰琬夏曰嶽琬四足如案嶽則施橫木于足間也
清廟周頌首篇祭文王之樂歌下堂下管竹音象象

舞之歌卽維清之詩堂下以管吹象也朱干朱盾王
戚玉飾斧冕而舞謂舞者戴冕大武武王樂戴皮弁
服素裳尚質也裼單衣也大夏禹樂昧任皆樂名合
先代之舞兼四夷之音昭德象功之至也先代與四
夷之樂惟天子兼用成王命魯以此祀周公欲廣大
魯國于天下也君袞冕立于阼魯君主祭也夫人魯
君之夫人祭則夫人薦豆副首飾編髮爲之褱翟衣
王后服魯君夫人亦得服之也房廡中東房揚舉也
諸臣助祭者各舉其事也廢不舉也不舉者服大刑
故天下大服也

按成王追念周公勲勞享祀盛其禮或有之至于子孫侯度胡可越也豈謂車服儀仗盡比乘輿郊禘大事一切僭用之乎魯用郊自僖公始耳據春秋與魯頌所載昭然可考烏得厚誣成王并累周公而記者侈譚爲盛事廣魯于天下是何言與孟子之言最近古曰公侯皆方百里周公封於魯太公封於齊亦爲方百里今魯方百里者五則是魯至戰國時始拓地至五百里今謂成王始封七百里夫魯七百齊亦七百如此盡海內地不足給數公侯千八百國何地可封所謂天子萬乘諸侯千乘者大畧論君十臣一開

方之法方百里者中方萬里曰千乘方千里者中方
百萬里曰萬乘極言其多耳後儒按數取盈以司馬
法丘甸之賦求之卽天子畿內分封之餘不能具千
乘況公侯乎是以愈贊愈不合矣

是故夏禘秋嘗冬烝春社秋省而遂大蜡天子之祭
也大廟天子明堂庫門天子臯門雉門天子應門振木
鐸於朝天子之政也山節藻梲復廟重檐延刮楹達鄉
向反坫出尊崇坫康圭疏屏天子之廟飾也

禘嘗烝詳見王制不言春者春祭曰禘魯春郊而夏
禘也春社祈年也秋省報賽也省其收入豐儉則八

蜡通不通可知。故遂大蜡也。數者之禮。諸侯皆有。惟魯獨盛。比于天子。大廟之制。卽天子之明堂。庫門。魯大門。雉門。魯中門。天子五門。自外而內。曰臯。曰庫。曰雉。曰應。曰路。諸侯三門。曰庫。曰雉。曰路。而魯庫雉門。皆如天子。木鐸。金口。木舌。天子將發號令于朝。振之以警衆聽也。山節。刻構。櫨爲山也。藻梲。畫侏儒爲藻也。詳禮器。復廟。廟重屋也。重屋。故重檐。卽今樓閣也。刮楹。刮磨楹柱。使光澤也。達鄉。通達窓牖。使向明也。反坫。兩君相見。設坫兩楹間。獻酬飲畢。反爵于上也。出尊。設尊于堂。亦兩楹之間。小禮如祭。殤陽厭之類。

則尊于房室不出也。崇高也。圻所以閤康安也。圭禮器受賓之圭。安指高閣之上。防動搖也。疏屏。屏障之屬。疏通使明爽也。凡此皆天子廟飾。魯皆用之也。

按郊特牲。祭義。謂春祭爲禘。季夏禘。自魯祀周公始。前言孟春祀帝于郊。季夏六月。禘周公于太廟。故于此不復言春禘。而鄭氏云。魯在東方。王春東巡守。故魯闕春祭。夫既郊矣。社矣。獨廢其廟祭乎。此附會王制而過者也。凡鄭註舍本文曲說類此。

鸞車。有虞氏之路也。鉤車。夏后氏之路也。大路。殷路也。乘路。周路也。有虞氏之旂。夏后氏之綬。南平殷之大白。

周之大赤夏后氏駱馬黑鬣殷人白馬黑首周人黃馬
蒼鬣夏后氏牲尚黑殷白牡周騂剛秦有虞氏之尊也
山罍夏后氏之尊也著長入聲殷尊也犧象周尊也爵夏
后氏以琖殷以斚嫁周以爵灌尊夏后氏以雞夷殷以
斚周以黃目其勺常入聲夏后氏以龍勺殷以疏勺周以
蒲勺土鼓塊桴浮鞀塊伊耆氏之樂也拊撫搏玉磬
拊夏擊大琴大瑟中琴小瑟四代之樂器也

鸞車有鈴之車路軌通鈎車鄭謂曲輿與車牀前闌
曲曰鈎車大路殷木輅也乘路周玉輅也旂綏大白
大赤皆旗名綏綏同以旄牛尾注旂竿之首而垂綏

也。白馬黑鬣曰駱，黃馬蕃鬣卽赤身黑鬣之駢馬之
赤近黃者，駢赤也。牡曰剛，凡祭牲皆用牡。泰瓦尊也，
尊無足著地曰著，琖之言淺以形扁淺名，罍之言稼
以刻禾稼名，爵形似爵三者皆行酒之器。灌尊灌獻
鬯酒之尊，夷彝同常也。宗廟常用之器曰彝，刻雞于
上曰雞彝，勺挹飲之器，龍刻龍形，疏刻鏤疏通，蒲刻
蒲草文，埴泥爲鼓，結塊爲桴，斷蘆爲簫，古伊耆氏之
樂也。拊以手循之搏以手彈之，或曰拊搏樂器也。韋
爲之寶以糠如小鼓，拊擊猶戛擊，磬言拊搏琴瑟言
拊擊，互文也。琴不言小瑟不言中亦互文也。四代謂

虞夏殷周

魯公之廟文世室也武公之廟武世室也米廩有虞氏
之庠也序夏后氏之序也瞽宗殷學也頌_判宮周學也
崇鼎簋鼎大璜封父龜天子之器也越棘大弓天子之
戎器也夏后氏之鼓足殷楹鼓周縣_玄鼓垂之和鐘叔
之離磬女媧之笙簧夏后氏之龍龔_荀虞_距殷之崇牙
周之璧琫有虞氏之兩敦_對夏后氏之四璫殷之六瑚
周之八簋俎有虞氏以梲夏后氏以蕨殷以棋_矩周以
房俎夏后氏以楬_胡豆殷玉豆周獻豆有虞氏服韍弗
夏后氏山殷火周龍章有虞氏祭首夏后氏祭心殷祭

肝周祭肺夏后氏尚明水殷尚醴周尚酒有虞氏官五
十夏后氏官百殷二百周三百有虞氏之綏夏后氏之
綢切練殷之崇牙周之璧鬯凡四代之服器官魯兼用
之是故魯王禮也天下傳之久矣君臣未嘗相弑也禮
樂刑法政俗未嘗相變也天下以爲有道之國是故天
下資禮樂焉

周之文武功德隆重二廟百世不遷曰世室魯以伯
禽廟爲文世室伯禽玄孫武公之廟爲武世室米廩
糗盛之藏虞學曰庠孟子云庠者養也以養爲義故
以米廩當之習射有庠卽夏學也習樂有瞽宗卽殷

學也。頌宮猶泮宮。講學行禮之處。卽周學也。崇。賁封
父越。皆亡國名。鼎。璜。龜。戟。弓。皆周先王伐國所得之
器。棘。戟。通。鼓。足。鼓。有四足。楹。以木。簣。鼓。中。上。出。如。楹
柱也。縣。鼓。懸。而。鼓。之。也。垂。堯。之。共。工。和。鐘。歌。鐘。編。懸
比。矣。故。曰。和。也。叔。古。人。一。名。無。句。始。作。磬。者。離。歷。也。
亦。編。懸。稀。疏。故。曰。離。或。曰。特。懸。之。大。磬。也。笙。列。竹。匏。
中。象。物。生。出。地。也。簧。美。在。其。中。故。曰。笙。簧。女。媧。氏。始
作。也。篥。虞。以。懸。鐘。磬。橫。曰。篥。植。曰。虞。龍。刻。爲。龍。形。崇
牙。殷。人。于。篥。上。刻。文。爲。重。牙。周。人。又。設。壁。翼。爲。飾。翼
扇。也。形。團。如。璧。敦。璉。瑚。簋。皆。盛。黍。稷。之。器。二。四。六。八。

皆魯有之數椀。歲見前。棋味甘。形如珊瑚。俎足間橫木。曲撓形如棋房。俎俎有跗如房。揭豆木豆無文飾也。獻文羹之稱。鄭讀爲娑。刻文稀疏貌。載祭服之韞。有虞氏以韋爲之。夏畫山。殷畫火。周爲龍章。祭殺牲以祭。三代各用所勝。夏尚黑。勝赤。故祭心。殷尚白。勝青。故祭肝。周尚赤。勝白。故祭肺。明水明潔之水。水無味。醴味薄。酒味厚。周官倍商。商倍夏。夏倍虞。四代之官。魯兼備之。綏綢練。崇牙。璧翬。四者皆送葬之具。綏旌旗之綏。綢幃通韜也。練熟帛也。以韜旌竿爲旒旒也。崇牙畫重牙之文于旌翼也。

按此篇之言無一當禮欲獻諛周公而不知其悖作
記者儻亦寓春秋之義不然魯三桓之徒自爲之猶
晉人之爲左傳尊晉而不自知其惡也四代之官共
六百五十魯以百里之國兼之安所給祿入春秋羽
父弑隱公慶父弑二君禮樂刑政之變不可枚舉今
云未嘗相弑未嘗相變記言爲無稽矣

明堂位終

喪服小記第十五

喪服小記記喪服之制小者

斬衰括髮以麻爲母括髮以麻免而以布齊衰惡笄以終喪男子冠而婦人笄男子免而婦人髻查其義爲男子則免爲婦人則髻直杖竹也削杖桐也

禮父喪斬衰母喪齊衰衰異而小斂括髮以麻同括結也括髮雖同而父喪括髮則免冠徒首以至成服母喪括髮則免冠加布至成服此其爲等殺也凡不冠曰免以布以麻布纏頭所謂紒也不言齊衰言母者齊衰不獨母也惟爲母齊衰括髮而紒其他雖紒

不括髮也。惡筭。承上母喪齊衰而併及婦人喪服。凡齊衰皆惡筭也。惡筭。羸惡之筭。以竹木爲簪。終喪而後易之。凡首服男冠女笄。喪則男子以免易冠。婦人以髻易笄。免去冠髻去笄。皆未成服之服。男女異名耳。苴。羸惡之狀。喪禮斬衰苴經杖爲父用。竹圓象天也。竹有節取節衰也。削杖爲母也。削取殺削意。方象地。桐恫也。哀恫與父同也。

按免禮不同。去冠徒首曰免。免冠加布覆首曰綯。古冕綯字通。與不冠之免稍別。齊輕于斬。以布輕于徒首。親始死投冠。笄纚猶存。明日小斂畢。尸將出堂。乃

去笄纚散髮。謂之脫髦。以麻結之。父喪括麻徒首。母喪括麻加布。明日大斂。又明日成服。死之第四日也。註疏謂始死戴素冠。視小斂素冠。旣祥之冠。始死焉可用。未成服。安得有冠。疏又引檀弓叔孫武叔母死尸出戶。袒且投其冠。括髮爲證。夫親死越宿。尚從容笄緋拂髦加冠。待含斂出戶。然後投冠。此子游所謂不知禮者。豈可爲括髮之證。

祖父卒。而后爲祖母後者三年。爲父母。長子稽顙。大夫弔之。雖總必稽顙。婦人爲夫與長子。稽顙。其餘則否。男主必使同姓。婦主必使異姓。爲父後者。爲出母無服。

適孫無父。爲祖父喪三年。祖父先死。祖母後死。爲祖母喪亦三年。若祖父在。爲祖母期。亦如父在。爲母期也。父死。適孫承重。故曰爲後。庶孫則否。如本服。稽顙以顙擊地。痛之至也。爲父母之喪。與長子之喪。乃稽顙。父母至尊至親。長子正體也。士有喪。大夫弔之。雖輕喪。如緦麻。亦稽顙。尊大夫不敢待以輕禮也。婦人稽顙。唯夫與長子之喪爲然。其餘否。雖已父母喪。亦不稽顙。喪必有主。以接賓客。如無主。則使人代。必使喪家同姓之男代。男主。使喪家異姓之女代。女主。異姓之女。同宗之婦也。爲父後者。父之適子也。出母。母

爲父黜者。適子無服。以其承父也。庶子則期。按此禮未允。說見檀弓子上之母死章。

親親以三爲五。以五爲九。上殺去聲下殺。旁殺而親畢矣。王者禘其祖之所自出。以其祖配之。而立四廟。庶子王亦如之。別子爲祖。繼別爲宗。繼禰者爲小宗。有五世而遷之宗。其繼高祖者也。是故祖遷於上。宗易於下。尊祖故敬宗。敬宗所以尊祖禰也。庶子不祭祖者。明其宗也。庶子不爲長子。斬。不繼祖與禰故也。庶子不祭殤。與無後者。殤與無後者。從祖祔食。庶子不祭禰者。明其宗也。三謂身父子。由父親祖。由子親孫。以三爲五也。由祖

以親會高二祖由孫以親會玄二孫又以五爲九也
九者三其三代也中三代上三代下三代所謂同姓
九族也殺謂五服減等親漸疏則服漸輕上殺由父
而減至高祖下殺由子而減至玄孫旁殺由已身同
輩旁減身以上父斬衰三年祖父齊衰期會高祖齊
衰三月上殺也身以下長子斬庶子期適孫期庶孫
大功會玄總麻下殺也身以旁同父兄弟期同祖大
功同會祖小功同高祖總麻旁殺也高祖之外無服
故曰畢禘祭帝也三代之王皆古帝之苗裔夏始顓
頊黃帝其所自出也商始契周始后稷帝嚳其所自

出也。三王各追祀其始祖所自出之帝。而以始祖配饗。故謂之禘。四廟。四親廟。高曾祖父爲四親。天子七廟云四者。據五服言也。庶子不得主祭。至繼統爲王。亦用王禮。庶子繼世爲諸侯。亦如諸侯可知。別子卽庶子。諸侯適子之弟。不得繼爲諸侯。別其支自爲祖。卽同姓卿大夫之始祖也。其適子適孫。世世承繼。別子爲宗。所謂百世不遷之大宗也。父廟曰禰。繼禰爲小宗。此又別子之庶子。爲父者也。長子長孫。旣繼別子爲大宗。庶子之適子。又各繼其父爲小宗。而同父之兄弟。共宗之也。由此遞降。至於五世。小宗凡四親。

兄弟之適是繼稱之小宗也。同堂兄弟之適是繼祖之小宗也。再從兄弟之適是繼曾祖之小宗也。三從兄弟之適是繼高祖之小宗也。小宗有四而皆自繼補始。故但曰繼稱。餘詳曲禮下篇族人一身共事五宗。大宗不遷。小宗五世則遷。故曰其繼高祖者也。自高祖至玄孫五世而玄孫之子於父之高祖六世則無服矣。不可仍統父同高祖之兄弟。乃遷從近者爲宗。蓋世以次漸遠。祖以次漸移。宗亦以次漸易。玄孫之子又以父之曾祖爲高祖。而父繼曾之宗又爲已繼高之宗。父繼高之宗已在三從外爲疏屬矣。故曰

祖遷于上。宗易于下。宗法之立。所以尊祖。宗子繼祖。禰之正體。故敬宗子。卽敬祖禰。宗子主祭。庶子不得自祭。祖所以明宗也。宗子自爲其長子斬衰。以已繼祖。禰長子繼已也。庶子不得爲宗。其長子亦無承繼之重。故不爲其長子斬衰。庶子無家廟。但祭其祖。于宗子之廟。凡庶子親屬之殤者。無後者。無廟可祭。亦于宗子家廟。從其祖祔食。已皆不得祭也。庶子苟非仕。則無廟。雖禰亦不得自祭。亦于宗子家廟。供其牲物。而宗子爲主祭之。凡此皆所以明宗也。

按古宗法。爲有天下國家者繼世明統系。杜覬覦耳。

又慮夫世遠支繁散而無統于源頭處立大宗統之使人知尊祖又于分派處立小宗使人知敬禰故曰敬宗所以尊祖禰然裁抑庶子使身不得自祭家不得立廟有國家則有宗祠有國不祀先王以爲討子孫不祭祖父制禮之謂何非適非大夫士則無廟廟必適子爲主儻庶爲大夫適爲庶人則庶人以適坐占大夫大夫以庶坐降庶人人生何不幸而爲庶子也儻適庶俱大夫則適子廟重複若適庶皆庶人或累世不仕則永爲不祭之家而祖禰爲無依之鬼貴賤雖異各言其子各言其孫各言其祖父何強世以

不堪故宗法必通人情而后可行也

親親尊尊長長男女之有別人道之大者也從服者所從亡則已屬從者所從雖沒也服句妻從女君而出則不爲女君之子服

此論服之降殺親親以恩言尊尊以分言長長以齒言男女如父與母兄弟與姊妹之類莫不有差等之別從服謂不在九族五服之內從其所尊所親者爲服也如臣從君服君之黨妻從夫服夫之黨子從母服母之黨妾從女君服女君之黨皆是因所從者爲服所從者死則不服矣屬從又就其中情誼連屬如

子從母妻從夫之類。母與夫雖亡猶服之。至如妻從女君來嫁。苟女君以罪見出。妻亦從出。女君儻有子在。子死。女君服期。妾可無服。蓋女君與夫絕矣。女君之服爲其子。非爲其夫也。女君旣不得從夫。而妾又安得從女君。此屬從之未沒亦不服者也。

禮不王不禘

禘解見前篇。此王者之祭。非王者不得用之。

世子不降妻之父母。其爲去聲妻也。與大夫之適子同。父

爲士。子爲天子諸侯。則祭以天子諸侯。其尸服以士服。父爲天子諸侯。子爲士。祭以士。其尸服以士服。

世子謂天子與諸侯之適子。禮爲妻父母總麻。天子諸侯貴則降。世子貴服輕亦宜降。而此獨否者。非獨重妻也。未爲君。不敢上同于尊也。故其爲妻服。與大夫適子爲妻齊衰不杖期同。舉大夫者。期至大夫降。而爲妻期。獨不降。大夫適子爲妻期。儀禮曰。父之所不降子。亦不敢降也。其不杖者。儀禮曰。父在。爲妻不杖。父在妻喪。則父爲主。故子不得伸。家國雖異。敬父則同。雖天子諸侯。世子下同于大夫。適子厭于所尊。一也。父爲士子爲天子諸侯。則以天子諸侯禮祭。子自伸其敬也。其爲父尸服死者。本服象其生也。若父

爲天子諸侯子爲士安士之分用士禮祭而尸服士服不得仍用生時貴服何也爲天子諸侯亡其國與天下使子爲士庶人生不成君死安得君服而以庶人祭天子諸侯乎父爲士子爲天子舜祀瞽瞍是也父爲天子子爲士桀紂耳尸服所以異也

婦當喪而出則除之爲父母喪未練而出則三年旣練而出則已未練而反則期旣練而反則遂之

禮婦爲舅姑期婦當舅姑之喪見出則除其服義絕故也如婦自有父母之喪未期見出情復隆于其父母爲終三年不復從旣嫁之期若期外見出旣嫁之

服已除不必更同其兄弟爲三年也。若其父母喪未期，夫命復反，仍從已嫁之期。期外命反者，無中道廢遂終三年可也。

按服以時變通是已。但婦與夫同遭親喪而棄之，又忽反之，非禮之經。于此獨詳，豈古人以出妻爲常事，邪未可訓也。

再期之喪三年也。期之喪二年也。九月七月之喪三時也。五月之喪二時也。三月之喪一時也。故期而祭，禮也。期而除喪，道也。祭不爲除喪也。三年而后葬者，必再祭其祭之間，不同時而除喪。大功者，主人之喪，有三年者。

則必爲之再祭朋友虞祔而已

此明練祥二祭之義凡吉祭每時一舉有三年之喪則廢三年之喪二十五月而祥二十七月而除二十五月是再期也二十七月則三年矣期之喪十三月而除是二年也大功九月而中殤降服之大功有七月者是三時也小功五月之喪是二時也總麻三月是一時也禮三月一祭親喪則期而練祭再期而祥祭不敢經歲不祭禮當然也期而男除首經女除要帶再期而除衰哀以時漸殺道當然也祭與除喪各有其義祭不爲除喪舉也何以明之人子有因他故

三年後得葬其親者亦期而練祭再期祥祭但再祭中間不與已葬者同時除喪練祭同設而經帶不同除祥祭同設而衰不同除蓋祭不可闕親柩在殯衰經亦不可除則祭不爲除喪明矣鄭解未達大功者主人之喪謂從父兄弟死大功代爲死者妻子主喪也無妻子則無人爲三年之喪無再祭有妻子爲三年之喪而子幼妻不能主則大功者攝主其練祥以終兩期之禮至朋友但爲治其虞祭耐祭耳獨言大功者期則親兄弟矣有親兄弟不爲無主此爲孤弱無同父之親者自此以上并大功無者益可知矣先

儒曰率朋友死于我殯之義練祥不必大功親黨皆不得辭也推行有死人尚或殯之心虞祔不必朋友相識者皆不得辭也善言禮矣

士妾有子而爲之總無子則已生不及祖父母諸父昆弟而父稅免喪已則否爲君之父母妻長子君已除喪而后聞喪則不稅降而在總小功者則稅之近臣君服斯服矣其餘從而服不從而稅君雖未知喪臣服已

士妾有子者則士爲之總無子則無服獨言士是大夫以上妾雖有子亦不爲之服矣子生在他邦不及見其祖父母與伯叔父昆弟其父亦以在他邦聞喪

後時父當爲稅服追服曰稅子可不稅爲生不識面而喪過時也苟時未過猶爲之服卿大夫爲君之父母妻長子皆有服若有事羈他邦君已除服臣始聞喪則不追服蓋是服本從君君除則可已矣降而在總小功謂正服本重以殤降者詳見儀禮凡降服重于正服服已降又不稅則近薄矣雖輕如總小功時過必追服也近臣謂近君小臣卑賤君服從服無論稅非稅矣其餘若卿大夫輩限內則從服限外不從稅如國有大喪君在外不及聞臣在本國者服矣不必待君也

按祖父母諸父兄弟之喪皆期情非輕也豈以生不及死遂同路人乎此禮未宜儀禮喪服傳云兄弟皆在他邦加一等不及知父母與兄弟居加一等謂生不得與骨肉同居聞其死有加無殺不幸之中又不幸焉故極哀也檀弓曾子云小功而不稅則是遠兄弟而終無服也可乎此之謂也夫正小功猶欲稅降小功可知降小功猶稅期可知孰謂祖父母諸父昆弟可不稅乎凡禮家言參差類此

虞杖不入於室耐杖不升於堂

此哀殺去杖之節虞先耐後堂淺室深杖以扶哀哀

漸輕杖以漸去未葬則杖不去身既葬虞祭于室則杖止升堂入室去杖虞後祔祭杖亦不升堂室可知矣

爲君母後者君母卒則不爲君母之黨服

君母謂適母無適子立庶子爲後君母死則不爲君母之黨服卽上章從服者所從亡則已之意

按庶子爲適母後適母死則不爲母黨服是後其生不後其死也猶弗後矣鄭以徒從釋之豈子從母而可謂之徒從乎

經殺五分而去一杖大如經

麻在首在腰皆曰經。分言則首爲經腰爲帶。此謂帶也。儀禮斬衰首經以苴麻爲之。大一搯。搯搯同。拇指與第二指圍曰搯。帶殺首經五分之一。而杖之大如帶五分。象五服也。五服皆有經。有帶。齊衰之經大如斬衰之帶。五分去一。以爲齊衰之帶。大功之經大如齊衰之帶。五分去一。以爲大功之帶。小功之經大如大功之帶。五分去一。以爲小功之帶。總麻之經大如小功之帶。五分去一。以爲總麻之帶。

妾爲君之長子與女君同

女君謂正嫡女君爲長子齊衰三年妾同之重繼體

也

除喪者先重者易服者易輕者

重輕皆以首要經言重謂男子重首經婦人重要經
除喪謂期而小祥喪服漸除男子先除其首經而要
經不除婦人先除其要經而首經不除蓋哀之殺也
由重漸輕未有先輕而後重者也易服謂旣葬卒哭
以葛易麻男子要經輕故要易葛而首不易婦人首
經輕故首易葛而要不易檀弓所謂婦人不葛帶是
也蓋服之吉也由輕變重未有越輕而趨重者也一
除一易輕重先后自然之節鄭以易爲大喪旣葛帶

遭小喪易麻據聞傳與服問解而意亦該乎其中
無事不辟廟門哭皆於其次

辟闕通開也廟門殯宮門鬼尚幽有事則開無事則
闔倚廬曰次無事哀至哭皆于次有事闕門入卽位
哭

復與書銘自天子達於士其辭一也男子稱名婦人書
姓與伯仲如不知姓則書氏

復招魂也銘明旌復呼名姓望其魂來也銘書名姓
使其魄依也書姓與伯仲書銘也始生所從出曰姓
子孫蒙先世官諡若字爲氏

按人始死升屋招呼此古俗禮男子稱名苟臣子復君父而名可乎鄭遂推爲殷禮無稽

斬衰之葛與齊衰之麻同齊衰之葛與大功之麻同麻同皆兼服之報葬者報虞三月而后卒哭父母之喪偕句先葬者不虞耐待後事其葬服斬衰

葛所以易麻大喪旣葬虞卒哭男子以葛易麻帶婦人以葛易麻首經葛比麻五分殺一斬之葛經與齊衰初死之麻經同齊衰之葛經與大功初死之麻經同兼服謂斬衰卒哭後遭齊衰之喪服齊衰之麻經可服斬衰之葛經亦可齊衰卒哭後遭大功之喪服

大功之麻經可服齊衰之葛經亦可服問云麻之有本者變三年之葛是也報與赴通告也以葬期告人并告以虞期蓋葬虞本同日亦或有他故不得虞必并報之鄭解報爲速恐非三月而后卒哭謂三月後葬葬而虞乃卒無時之哭禮也不虞卒哭與卒哭不虞皆非禮父母之喪偕謂父母同時死也曾子問云葬先輕後重奠先重後輕卽此意也先葬謂葬母所謂葬先輕也不虞祔不爲母設虞祭祔祭待父葬畢虞祔先父後母所謂奠後輕也其葬皆服斬衰謂母本齊衰爲父未葬從重也按此言父母喪偕之禮與

曾子問同而此節之言爲近

大夫降其庶子其孫不降其父大夫不主士之喪
禮爲庶子期大夫貴則降爲大功以庶子不爲大夫
也其孫謂庶子之子爲其父三年不以祖之所降而
降其父蓋子有降父無降也儀禮喪服傳曰父之所
不服其子亦不敢服此謂大夫之尊壓其子而祖之
尊不以壓其孫也士死無後其親戚有爲大夫者不
得主其喪尊卑不倫也

按此亦爲有親屬代主者言苟士無屬可代雖大夫
其可辭乎

爲慈母之父母無服夫爲人後者其妻爲舅姑大功
慈母如母而慈母之父母則疎矣故無服其夫旣離
其本生之父母爲人後則妻亦從其夫爲人婦夫子
生父母期年妻于夫生舅姑降一等大功耳
士祔於大夫則易牲

士死無後主祔于祖如祖爲大夫祭用少牢士祔食
則易以特牲不敢因祖之牲蓋主可祔禮不可假也
鄭謂不以卑牲祭尊同用少牢非也後云妻無妾祖
姑者易牲而祔于女君亦謂各異其牲耳雜記云士
不祔于大夫彼謂先祖兄弟有爲士者可以類祔則

祔之此謂無士可祔者故祔于大夫也

繼父不同居也者必嘗同居皆無主後同財而祭其祖
禰爲同居有主後者爲異居

繼父謂母再嫁之夫前夫之子因母爲父者也儀禮
有同居繼父有不同居繼父有未嘗同居繼父凡三
等同居繼父謂子幼無父隨母嫁與繼父同居子無
大功之親爲主繼父亦無大功之親爲後父用財貨
築宮廟使此子得自祭其先祖禰終身相依有父之
道如此乃爲同居繼父其死也爲服齊衰期所謂不
同居繼父者始嘗同居亦同財而祭但此子自有大

功之親爲主繼父亦有大功之親爲後終遂異居是爲異居繼父死服齊衰三月其未嘗同居繼父者母嫁子未往子自有主繼父自有後其不同財祭可知因母稱父其實路人無可爲服矣記言不詳舉而義皆備

哭朋友者於門外之右南面

檀弓曰朋友吾哭諸寢門之外以朋友門外之交也南面取向外義

祔葬者不楚宅士大夫不得祔於諸侯祔於諸祖父之爲士大夫者其妻祔於諸祖姑妾祔於妾祖姑亡無則

中一以上而祔。祔必以其昭穆。諸侯不得祔於天子。天子諸侯大夫可以祔於士。

宅謂葬地。祔葬謂後死者葬附于先塋。先世葬宅已筮。祔葬則不再筮。士大夫以下謂既葬祔主于廟者。蓋諸侯之庶子庶孫始別宗爲士大夫而無後者。禮惟大宗立後。庶無後則以其主附于祖。然不得祔于祖之爲諸侯者。諸侯雖親貴已絕宗。但可附于諸祖父爲士大夫者之廟。諸祖父卽諸侯之從父。士大夫死者之從祖父也。其妻卽士大夫之妻。諸祖姑卽諸祖父之妻。妾祖姑卽諸祖父之妾。亡無同。無諸祖父。

之爲士大夫與無妻祖姑可祔則閒一代以上求有
者祔之中猶閒也。謂閒諸會上祔諸高。諸祖父無妻
上祔于諸高祖父之有妻者。廟次左昭右穆父子不
同列各以世次。諸侯不得祔于天子亦謂天子之庶
子庶孫始命爲諸侯而無後者不得祔于天子也。天
子諸侯大夫可祔于士謂士之子孫爲天子諸侯大
夫死則祔于祖不敢自尊以卑其祖父也。

按此節爲庶子無後而附食于祖者之禮。傳曰爲人
後者後大宗也。大宗收族者也不可以絕。故禮無絕
宗而有絕庶。庶絕其妻妾無主分別附寄。鄭以爲旣

葬卒哭之耐。若是則廟制有常數。各祀其祖禰。各有小宗。焉得耐于諸祖。妻從夫。妾從嫡。焉得耐于諸祖姑。廟無二主。新入則舊遷。焉得以新主附于舊主。妾不世祭。焉得屢世有妾祖姑廟。諸家附會。勉強分疏。終未釋然也。

爲母之君母。母卒則不服。宗子母在。爲妻禫。爲慈母後者。爲庶母可也。爲祖庶母可也。爲父母妻長子禫。慈母與妾母。不世祭也。

君母。猶言適母。母之適母。非母之生母也。母在適母死。則母爲之服而已。從母服。母卒無從。則不服。宗子

宗婦繼正體故宗子爲妻期而禫父在則不禫厭于尊也無父雖母在亦禫若非宗子有姑在豈得伸禮于婦乎爲慈母後者儀禮所謂妻無子與妻子無母者父命之爲母子者也爲庶母謂後庶母爲慈母也爲庶祖母謂父妾無子命已妾之子後之亦爲慈母三母皆妾故皆可以妾之子爲後禫除喪之祭言思慕平澹也大喪二十七月禫期喪十五月禫惟父母妻長子四喪皆情至禮重禫而除備禮也慈母與妾母不世祭謂子祭之孫以下不祭也

按已妾之子爲已妾無子者後則可爲父妾無子者

後越昭穆之次矣。慈母猶母。有三年之喪。無再世之祀。于人情未允。

丈夫冠而不爲殤。婦人笄而不爲殤。爲殤後者。以其服服之。久而不葬者。唯主喪者不除。其餘以麻終月數者。除喪則已。箭筭終喪三年。齊衰三月。與大功同者。緇屨男女之死。雖在殤年。而旣冠旣笄。則爲丈夫婦人矣。不得以殤殺禮。喪用成人可也。殤雖冠而未昏。無爲父之道。若立後。但依本親服服之。如姪爲叔。後仍以叔服之。之類。久而不葬。謂親死有他故。踰期不得葬也。主喪謂子。于父母。臣于君。妻于夫之類。未葬皆不

得除衰經其餘謂旁親也以麻終月數謂期以下旣葬主人受葛則諸親皆變葛今未葬主人猶麻諸親亦麻但終所服之月數者除其喪則止不服不待主人也箭筴小竹爲簪卽前云惡筴婦女大喪用之爲尊者齊衰三月爲卑者大功九月情畧相等故同用麻繩爲屨也

按禮爲人後者以繼宗也惟大宗則立後殤未任爲父無後理故服所後殤不得如父服今世俗死無子不分老幼適庶輒議立後利死者財產以繼絕爲名耳其事假仁其實非禮

練筮日筮尸視濯皆要經杖繩屨有司告具而后去杖
筮日筮尸有司告事畢而后杖拜送賓大祥吉服而筮
尸

練小祥祭名將祭必筮日與爲尸之人祭之先夕省
牲濯器主人除首經而服要經杖繩屨以將此三事
有司告三事具備而后主人去杖也筮日筮尸謂命
著揲策則去杖致敬于神喪大記云聽卜有事于尸
則去杖是也有司告筮事畢主人乃復執杖拜送賓
客蓋筮必有賓至杖拜送不忘哀也若大祥之祭筮
尸則用吉服不經杖繩屨矣筮尸吉服筮日視濯可

知

庶子在父之室則爲其母不禫庶子不以杖卽位父不主庶子之喪則孫以杖卽位可也父在庶子爲妻以杖卽位可也

庶子衆子禮與適異庶子爲大夫與父異宮容得自伸若不命之士與父同宮則母喪不禫庶賤厭于尊也庶子適子同遭親喪獨適子爲喪主以杖卽位儀禮云杖者擔主也庶子雖杖不爲主不以杖卽位惟杖于門外耳適子死父爲主杖則適子之子不以杖卽位避尊也若庶子死父不爲主庶子之子爲主以

杖卽位可也。適子妻死，父爲主，則適子不以杖卽位。若庶子妻死，父不爲主，庶子自主，以杖卽位可也。斯二者又不在庶子不以杖卽位之限。

按杖之設爲扶毀也。故期服有杖，有不杖以親疎爲差。如拘適庶，分貴賤。適杖庶不得杖，是庶子之哀不如適子也。父杖子不得杖，是子之哀父不如父之哀子也。行禮以義爲質，則使人不疑而安可久。

諸侯弔於異國之臣，則其君爲主。諸侯弔，必皮弁錫衰。所弔雖已葬，主人必免。主人未喪服，則君亦不錫衰。

諸侯無親弔，外臣之禮有事異國，遇貴臣喪則弔。因

主君及也。故主君代爲主，臣不敢自主也。君弔，則首皮弁，服錫布之衰，麻布光澤者曰錫。如弔于葬後，主人無免禮。大功以上，卒哭則不免。遇君弔，非免時，主人亦必免，以重禮待君也。如始死來弔，主人未成服，正當免時，則君不錫衰，所謂羔裘玄冠者，易之而已。曾子襲裘入，以此。

養去聲有疾者，不喪服。遂以主其喪，非養者入主人之喪，則不易已之喪服。養尊者必易服，養卑者否。

親屬有疾無告已，欲養之而身有喪，不可以喪服往諱其凶也。若疾者死，既養之，當遂爲主其喪，不得以

已喪棄之也。如疾時未釋服致養。今死。往主其喪。卽服已之喪服。往不必易矣。凡養父兄。必易吉服。養子弟則否。

妾無妾祖姑者。易牲而祔於女君。可也。婦之喪。虞卒哭。其夫若子主之。祔則舅主之。

前言妾死。祔于妾祖姑。則同牲而祭。如祖父無妾。可祔。則祔于適祖姑。廟。易牲可也。女君卽適祖姑。易牲。謂改易其牲。如女君少牢。則妾特牲。女君特牲。則妾特豚之類。與前士祔于大夫。易牲同。鄭以易牲爲同牲。非也。婦之喪。謂舅爲子。婦之喪。虞卒哭之祭。行于

寢。夫主之。夫死。子主之。舅不與也。婦之主納于廟。祔祭于祖姑。是舅之母也。禮行于廟。則舅主之。夫與于不敢主也。

士不攝大夫。士攝大夫。唯宗子。主人未除喪。有兄弟自他國至。則主人不免而爲主。

士卑。大夫尊。大夫有喪無主。士不敢代爲主。士代大夫主。唯宗子則可以其爲家之尊也。禮旣卒。哭則不免。惟君弔。孝子雖過時亦免。若兄弟過時至。則主人不免可矣。

按古者封建世官。諸侯大夫士世相臨也。故大夫與

士禮如君臣。自郡縣分而仕者。惟在官相轄歸。則鄉人士皆其親戚故舊。而欲以古禮責之。不相臨之士。則亢矣。士以古禮加之。非所事之大夫。則諂矣。故禮貴識時。

陳器之道。多陳之而省納之可也。省陳之而盡納之可也。

陳器。謂陳設從葬之明器。賓客親戚皆有器物贈死。故陳設多。然納于壙中者有限。故省多則少。納少則盡。納適宜而止。不以財儉親。不以美沒禮。斯可矣。奔兄弟之喪。先之墓而後之家。爲位而哭。所知之喪。則

哭於宮而後之墓

奔喪者常後期至苟葬矣兄弟之親則先省死者而後成禮情迫也若朋友先成禮而後省墓禮爲先也宮故殯宮兄弟門內之戚故稱家

父不爲衆子次於外與諸侯爲兄弟者服斬

適長子死父出舍于喪夫衆子則否諸侯死臣皆服斬爲兄弟者莫非臣不得止從本服亦皆服斬兄弟以下可知兄弟以上則本服耳兄弟或有在異國者故稱諸侯

下殤小功帶澡麻不絕本誣而反句以報之

下殤小功。謂期服之親。自九歲至十三歲死者。服再降爲小功。禮輕情重。故要帶澡治其麻。而不斷其根。帶末屈而反向上絞之。不散垂也。訕屈同。報答也。卽儀禮報服之報。謂此死者于生者其服同。以答之。鄭謂報爲合紉之非也。獨言下殤者。長殤小功。澡麻絕本可知也。言帶不言首經。男子重首。易服者易輕帶。麻澡而首經麻猶不澡也。自斬衰至大功。麻皆連根始死未成服以前。帶皆散垂。至小功帶始用澡麻。去根屈末不散垂。惟下殤降小功情重不去根。而不散垂則同。所以明之。

婦祔於祖姑。祖姑有三人，則祔於親者。其妻爲大夫而卒，而后其夫不爲大夫而祔於其妻，則不易牲。妻卒而后夫爲大夫而祔於其妻，則以大夫牲。

婦祔，謂婦先夫死未立廟者，以其主附于祖姑廟。祖姑有三人，謂祖父之妻有嫡繼庶而親者，乃舅之生母，宜祔之。夫爲大夫而妻先死，祭妻之牲嘗用少牢矣。其後夫失位，不得用少牢，及死而祔祭于妻，亦用其降牲耳。不敢變易，復用前大夫之牲也。如妻死時，其夫爲士，庶人祭嘗用特牲矣。後其夫爲大夫死而祔于妻，乃可用大夫少牢之牲耳。

按禮大夫三廟上及曾祖死當祔于祖胡爲祔于妻蓋妻先死立廟而毀曾祖廟則非禮不毀益廟則踰制故不立廟但以其主附于祖姑及夫死廟祀妻配食而其主在先故謂之祔于其妻註疏以始來仕無廟者解夫旣爲大夫來仕營宮室必先寢廟至死而尚無廟可附乎非也

爲父後者爲出母無服無服也者喪者不祭故也

爲父後者適子也出母母爲父所出死則適子無服蓋服則廢祭祭吉喪凶凶服不可以行吉禮因旣絕之母廢先祖之祭所以不爲服耳

按此適子非出母所生猶可若出母生我也者而死
同路人于理順乎易喪服而祭未爲不可也

婦人不爲主而杖者姑在爲夫杖母爲長子削杖女子
子在室爲父母其主喪者不杖則子一人杖

杖擔主也婦人與夫同爲喪主則與夫同杖夫死無
子妻爲主則杖其不爲主而杖者有二舅死姑在有
夫之喪爲夫杖從子而不爲主也父死母存長子死
則其母爲削杖報以類亦不爲主也又女子子未嫁
喪父母外無男兄弟爲主使其同姓攝主攝主無杖
惟有女子子一人焉得不杖此皆婦人不爲主而杖

之類

總小功。虞卒哭則免。既葬而不報虞則雖主人皆冠。及虞則皆免。爲兄弟既除喪已及其葬也。反服其服報虞卒哭則免。如不報虞則除之。遠葬者比反哭者皆冠。及郊而后免。反哭君弔雖不當免時也。主人必免。不散麻。雖異國之君免也。親者皆免。

此記免之節。總小功輕喪也。五服始死親者皆免冠哭。至成服後情重者。遇禮事哭踊則免。服輕者不免。惟既葬反而虞與卒哭之祭。主人盡哀之時。衆親皆免。雖總小功亦免矣。既葬不報虞承前言報葬則報

虞三月卒哭正禮也。既葬不以虞告，是偶有他故，不得虞。其間未虞之日，雖孝子亦且冠。衆親可知。至虞，凡親者與祭皆免。孝子可知。兄弟之喪，本服限滿已除。主人有故，過期未葬，及葬日還服其本服。送之若主者以虞卒哭告，則免而往，不以告，則既葬而除。本服耳。遠葬謂葬在遠郊，其反也。哭者在途皆冠。及近郊入國而後免，以及哭于廟。君弔臣喪，在始死未卒哭前當免之時，固免。雖弔于卒哭後不當免時，孝子亦必免。但要經不如始死未成服時散垂耳。此禮不但本國君弔，雖外國君至亦然。不惟孝子，凡親者與

喪皆然所以重君也

按禮既葬則速反而虞故曰葬日虞弗忍一日禭也此云既葬不報虞則主人皆冠此禮可疑

除殯之喪者其祭也必玄除成喪者其祭也朝服縞冠殯未成喪其禮簡無虞與卒哭練之變服其除服之祭衣冠皆玄純吉不用素也除成人之喪祥祭用朝服古者禮服皆稱朝服衣縞而裳色殊也冠縞不用玄不純吉也

奔父之喪括髮於堂上袒降踊襲經于東方奔母之喪不括髮袒於堂上降踊襲免于東方經卽位成踊出門

哭止三日而五哭三袒

親死既殯孝子自外來奔故無始死投冠扱衽之變至則免冠脫髦括髮于殯宮堂上肉袒下堂而踊將踊必先袒踊畢掩襲袒衣著要經于堂序東奔父喪之禮也母喪初至免冠不括髮殺于父也袒于堂降踊畢棄衣加纁布于首就堂序東加要經卽位于東階下更成踊與父同也禮畢出殯宮門就倚廬之次此初至一哭故曰哭止明日又明日皆朝夕哭所謂三日五哭也初至袒明日又明日皆朝袒所謂三袒也禮始死孝子哭踊無時五哭三袒聞喪久殺也

按此禮詳奔喪篇此云奔母喪不括髮爲異記言難
盡同也始死襲經舊謂要經耳服宜先首男重首豈
襲帶反遺首乎經名由首起檀弓云經者實也孝子
沈痛首疾之狀喪服傳五服帶皆由經降初喪首要
俱經也詳士喪禮然喪先首要經何也冠帶人類所
以別于禽獸無吉凶須臾不可去初喪吉衣冠盡解
凶衣冠未成故襲衣以掩其吉服加經帶以代冠帶
今新喪有要經無首經父母喪皆免以布與古異鄭
註未曉

適婦不爲舅後者則姑爲之小功

適婦適子婦禮舅姑爲適婦大功爲庶婦小功不爲
後謂適婦無子而其舅先死是不爲舅後則姑爲之
降服小功殺之也鄭謂適子有廢疾他故及死無子
不承重者若是何獨殺于其婦乎

喪服小記終

大傳第十六

大傳傳禮之大者禮莫大于治人聖人治天下治其人而已制禮以爲治人之道而已篇中所言人道大端故曰大傳

禮不王不禘王者禘其祖之所自出以其祖配之諸侯及其太祖大夫士有大事省於其君干祫及其高祖牧之野武王之大事也既事而退柴於上帝祈於社設奠於牧室遂率天下諸侯執豆籩逡奔走追王大王亶父王季歷文王昌不以卑臨尊也

天子有天下其功德廣遠分無間隔故祀其始祖又

追祀其所從出之祖無上之尊罔極之報惟聖人在
天子位乃能通古今于一息聯曠世爲一體自非然
者不惟精誠不逮而地分不相接則其感不通後王
踵襲已爲虛文而況諸侯以下欲僭用之者乎故禮
以辨上下定民志舉一禘而凡禮可知首言禘舉其
大者禘卽禘祫言合也禘始祖則合祀羣祖故曰祫
其禮大故曰大事諸侯以及其始祖爲大事大夫士
以及其高祖爲大事諸侯五廟故得祫大夫士廟不
足欲祫其祖必因君祫省視君之大事乃以尊祖之
情求祫于君干求也如于祿之干君許乃祫亦止及

其高祖無君命則不敢祫武王之大事自華商始牧
野功成退而升柴于天祈告于地設奠行主于牧之
館因率天下諸侯助祭以隆尊號于祖考不欲使祖
考爲諸侯而子孫以天子臨之也

上治祖禰尊尊也下治子孫親親也旁治昆弟合族以
食序以昭繆穆別之以禮義人道竭矣聖人南面而聽
天下所且先者五民不與焉一曰治親二曰報功三曰
舉賢四曰使能五曰存愛五者一得於天下民無不足
無不贍者五者一物紕紕繆民莫得其死聖人南面而
治天下必自人道始矣立權度量考文章改正朔易服

色殊徽號異器械別衣服此其所得與民變革者也其
不可得變革者則有矣親親也尊尊也長長也男女有
別此其不可得與民變革者也

治猶理也別其隆殺辨其親疏所以理之也合族以
食謂祭祀燕饗集宗族子姓共飲食也合食族人序
之以昭穆而不亂上下旁治別之以禮義而不瀆則
人倫之道竭盡而無餘欠矣聖人之治天下治其民
也然治民而不先人道民不可得而治人道多端其
本始于親其道終于愛故一曰治親上治下治旁治
是也二曰報功天地祖宗生成垂創之功不可忘也

三曰舉賢有德者。躬成人道。以共安天下。舉而尊之。
四曰使能有才者。服官任事。以共治民器。而使之。
五曰存愛親功賢能。總繫乎人主仁愛之一念。所以尊
祖敬宗與賢才。宣猷効力。亦惟行吾之愛。使仁覆天
下耳。故存愛終焉。愛常存而人道始終盡矣。五者兼
得。則親功賢能之業廣。而愛無不博。民不待足而自
足。不賙給而自贍。此不與而與之道也。物猶事也。紕
繆差錯也。若五者一事差錯。則倫常乖。天理滅。大亂
起。而民莫得其死。雖先民而治何益。所以聖人治天
下。自人道始。故夫立權衡。度量。考典。籍。文。章。改年之

正與月之朔易服色殊旗號徽旗也與禮樂之器軍旅之械衣服吉凶貴賤之等凡此皆世主所謂治民之事可隨時變通非秉彝根心不可變革者也其不可變革者親親尊尊長長男女有別立人之道古今不易聖人治天下所必先也

同姓從宗合族屬異姓主名治際會名著而男女有別其夫屬乎父道者妻皆母道也其夫屬乎子道者妻皆婦道也謂弟之妻婦者是嫂亦可謂之母乎名者人治之大者也可無愼乎四世而總服之窮也五世祖兄殺同姓也六世親屬竭矣其庶姓別於上而戚單於下昏

姻可以通乎繫之以姓而弗別綴之以食而弗殊雖百世而昏姻不通者周道然也

同姓之親主之以宗族人各從其小宗以共從其大宗宗法明而族屬聯合矣異姓本疏以交際會合爲親生無定分惟名爲主故理治其交際之會不使之亂異姓相親必始昏姻主名治會必先男女男女非天合而以名定男各妻其妻女各夫其夫則尊卑上下之名著夫屬父輩者其妻卽母輩夫屬子輩者其妻卽婦輩皆所謂名著也名著則分辨未聞以弟之妻爲婦兄之妻爲母者他皆可知已此別男女所以

在名著而治際會必主名也故曰名者治人之大君子不可不慎然欲使異姓際會男女有別必先同姓合族然後昏姻不亂是故宗族之親雖竭于五世而繫姓綴食之禮直通乎百世四世謂同高祖者總總麻服一世同父爲親兄弟服期再世同祖爲從兄弟服大功三世同曾祖爲再從兄弟服小功四世同高祖爲三從兄弟服總麻服至總麻盡矣故曰窮也五世謂父同高祖兄弟但相爲袒免無正服凡哭踊必袒衣免冠加布卽今弔喪送葬者以白布裹頭之類五世親盡但可謂同姓故減殺也六世謂祖與同高

祖者親屬竭絕亦惟弔送袒免無服也庶姓謂祖姓
分爲衆姓如魯姬姓三家又各以氏爲姓之類上謂
始別姓者下謂其子孫單盡也庶姓別于先世親情
盡于子孫如此則昏姻其可相通乎設疑之辭若遂
通昏姻是亂人道矣故庶姓雖別猶繫以祖姓弗使
別也雖服窮屬竭祭祀燕饗猶綴以飲食弗使殊也
遠至百世男女未不瀆昏姻未不通此天下古今之
大道故曰周道猶言周行云爾或曰周人之道然則
夏商禮有同姓爲婚者與此節文義本貫通舊解支
離

按免有輕重。袒亦有輕重。父喪免而不以布。徒首耳。此免之重者。母喪以下免以布。免之輕者。親喪袒衣見體。袒之重者。射饗割牲執弓矢之類。袒禮衣而不見體。袒之輕者。袒輕免亦輕。袒重免亦重。是以吉袒則冠。問喪篇云。冠者不肉袒。明惟肉袒乃不冠耳。然則五世親盡之袒免。與大喪之袒免異。鄭氏未曉。同姓不婚。自古爲然。故曰周道。而世儒云。舜娶於堯。君子不以爲非禮。魯昭公娶吳。君子以爲不知禮。文質不同。此誤解周道爲周禮。若是則記言謬矣。堯舜同姓。司馬遷世表之訛。舜匹夫有天下。惟其非世族也。

四岳薦舜曰有鮮在下曰虞舜。未言帝族。帝亦曰予聞如何。是未識生平也。豈宗族中有子弟升聞如舜者。將授以天下。而尚不識其人乎。古立姓辨族。以厚別也。唐虞時無姓則已。既有姓焉。有瀆亂之事。孔子刪六籍。首堯舜禮器律度量衡。三五同風。何獨人倫之大。反瀆亂不如周禮乎。其非同姓決矣。故周道當作周行解。爲是。

服術有六。一曰親親。二曰尊尊。三曰名。四曰出入。五曰長幼。六曰從服。從服有六。有屬從。有徒從。有從有服而無服。有從無服而有服。有從重而輕。有從輕而重。自仁

率親等而上之至于祖名曰輕自義率祖順而下之至于禰名曰重一輕一重其義然也

服喪服也術道也喪本于戚故服以親親爲始二曰尊尊論分之崇也三曰名論相稱謂之名四曰出入論門內門外在室出嫁之類五曰長幼論成人未成人之等六曰從服卽下文六者之類屬從如子從母服母之黨妻從夫服夫之黨夫從妻服妻之黨情相連屬而從之服者也徒空也情不相屬徒以尊者所服從而服之如臣從君服君之黨妻從夫服夫之君妾從女君服女君之黨之類從有服而無服者如兄

爲弟服而嫂從兄不爲叔服之類從無服而有服者如妻爲娣姒服而夫從妻不爲嫂服之類從重而輕者如妻爲其父母期夫從妻服則三月之類從輕而重者如公子爲君所厭自爲其母練冠而公子之妻從公子爲服期之類輕重之等皆仁義相循自然之節仁主愛于情爲重循愛親之仁歷級而上至於曾高屬絕則輕是義之所裁也義主制于情爲輕循同祖繼禰之義相生而下至于父母一體情隆則重是仁之所鍾也蓋造化人事之理輕者常浮而上重者常沈而下上率常逆而情輕下率常順而情重故坊

記云民薄于孝而厚于慈卽此意仁宜下而上率所以濟其輕義宜上而下率所以節其重輕止于祖重止于親先王所爲節之以禮也君子義以爲質禮以行之故曰一輕一重其義然也五服六術之輕重皆由此出豈但從服之一術而已乎

君有合族之道族人不得以其戚戚君句位也庶子不祭明其宗也庶子不得爲長子三年不繼祖也別子爲祖繼別爲宗繼禰者爲小宗有百世不遷之宗有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也

尊祖故敬宗。敬宗尊祖之義也。有小宗而無大宗者。有大宗而無小宗者。有無宗亦莫之宗者。公子是也。公子有宗道。公子之公。爲其士大夫之庶者。宗其士大夫之適者。公子之宗道也。絕族無移服。句親者屬也。自仁率親等而上之。至于祖。自義率祖順而下之。至于禰。是故人道親親也。親親故尊祖。尊祖故敬宗。敬宗故收族。收族故宗廟嚴。宗廟嚴故重社稷。重社稷故愛百姓。愛百姓故刑罰中。刑罰中故庶民安。庶民安故財用足。財用足故百志成。百志成故禮俗刑。禮俗刑然後樂。洛詩云。不顯不承。無斁於人。斯此之謂也。

君尊殊族合其族而不使離君所以自爲親親之道也。在族人則不得以已之親親君者尊卑異位也。庶子不主祭祖禰祭皆于宗子家以明有宗也。適子之長子死適子爲服三年以適子繼祖長子繼已卽繼祖也。若庶子非繼禰其長子亦非繼祖則不得爲其長子服三年。諸侯之適子世爲諸侯其別子爲大夫不敢繼諸侯而自爲之祖其子孫世適承適繼別子爲大宗別子之庶子庶孫又各生適子各繼其父爲小宗。大宗百世不遷是別子之世適繼始祖者也。小宗五世則遷各自其禰而上繼其高祖者也。蓋宗

因廟主始祖之廟百世不毀繼始祖之宗亦不易高祖廟五世則遷繼高祖之宗亦易故高祖而上五世則無服繼別之大宗五服之外皆爲齊衰三月此小宗大宗遷與不遷之異也餘詳曲禮下篇與喪服小記尊祖故敬宗謂宗子繼祖尊其祖之所自來故敬之也人有祖必有宗有小宗必有大宗有大宗必有小宗有宗則莫敢不宗有小宗無大宗三者惟公子爲然公子卽別子其初爲公子其所生子亦稱繼稱之小宗而未再傳是無繼祖之大宗也其適子稱繼別之大宗而未再傳是有大宗無小宗也別子旣不

敢宗諸侯而當其身亦無人宗之是無宗人亦莫之
宗也皆指別子言故曰公子是也自此以外則未有
有小宗無大宗有大宗無小宗有無宗人不宗者矣
舊解恐非別子所以有宗道者別子之父爲公子者
憂其子孫庶支之爲士大夫者渙而無統使士大夫
之爲適子者主之此公子所以有宗道本君父之命
也族人敢不宗乎絕族謂高祖以上至四從則族屬
絕矣移施通旁及也無移服無旁及之服所謂旁殺
者也絕族無旁服何也親親之道惟情相連屬族絕
則不相屬所以無移服也仁主愛親循親而上祖亦

親之親也。義主尊祖。循祖而下。禰猶親于祖也。故親親爲人道之本。收族猶合族。無子孫則無以奉宗廟。族屬衆。故宗廟嚴。非祖禰則無以垂基業。宗廟嚴。故社稷重。百志成。謂養生送死無憾也。禮俗刑。謂禮讓成俗。可爲儀刑也。樂。謂世道雍熙也。

大傳終

少儀第十七

少儀猶曲禮之類少猶小也

聞如見君子者辭曰某固願聞名於將命者不得階句
主適敵者曰某固願見罕見曰聞名亟見曰朝夕誓曰
聞名適有喪者曰比童子曰聽事適公卿之喪則曰聽
役於司徒君將適他句臣如致金玉貨貝於君則曰致
馬資於有司敵者曰贈從者臣致襚於君則曰致廢衣
於賈架人敵者曰襚親者兄弟不以襚進臣爲君喪納
貨貝於君則曰納甸於有司贈馬入廟門賻馬與其幣
大白兵車不入廟門賻者旣致命坐受之擯者舉之主

人無親受也。受立授立不坐。性之直者則有之矣。

聞記者自述所聞。君子尊長之稱。辭求見者自通之。辭某求見者自名。言某固願以名聞于將命之人。但無階可通耳。主指所見之君子。見者爲客。所見者爲主。鄭以主字連上讀迂矣。適敵同。謂分相敵則直云。願見不階。將命也。疎闊罕見。則云願聞名。欲亟見。則云願朝夕。主人瞽者。則勿云見。但云聞名。凡往喪非爲見爲助役耳。比助也。童子求見。則曰聽事。臣驢君行。則曰致馬資于有司。以衣贈死者曰繆。臣致繆于君。則曰致廢衣于賈人。謙言衣未必可用。以付賈人。

市賣耳周禮王府有賈八人識物價者凡賓客致襚
須擯傳辭執襚將命以進兄弟之親則直以衣進陳
之房中不必執以將命甸佃通若爲佃君之田納貢
于有司者然贈死曰賵助生曰賻廟門殯宮門送死
者必入廟門助生者不必入大白素施也兵車戎車
皆以助送喪之用凡賻使者旣致主命跪而委其物
于地其擯者舉之主人哀戚不親受也吉禮則親拜
受凡以物與人授受人立亦立人坐亦坐坐猶跪也
當立而跪惟遇分尊性直倨者則有之非禮也鄭解
性直爲尊者身短近鑒

始入而辭曰辭矣卽席曰可矣排闥說及屢於戶內者
一人而已矣有尊長在則否問品味曰子亟食於某乎
問道藝曰子習於某乎子善於某乎不疑在躬不度民
械不願於大家不訾重器汜埽曰埽埽席前曰拊業
拊席不以鬣執箕膺搗業不貳問問卜筮曰義與平志
與義則可問志則否尊長於已踰等不敢問其年燕見
不將命遇於道見則固不請所之喪侯事不植持弔侍
坐弗使不執琴瑟不畫地手無容不翼也寢則坐而將
命侍射則約矢侍投則擁矢勝則洗而以請客亦如之
不角不擢馬

賓始入門主人當讓賓先入則摯者必告主人曰辭
矣及賓主升堂卽席當坐摯告曰可矣言不必再辭
也排闥推門入也古人席地坐脫屣升席唯長者一
人脫之戶內餘脫于戶外如先有尊者在內衆人後
入則皆不得脫于戶內矣問人飲食之嗜好不直指
其癖問人道藝之能否惟恐暴其短衣冠舉止凡在
已身自有法度但行其可信不必狐疑瞻前顧後則
手足無措矣器械所以備不虞無故取民間器械度
其利鈍則人必疑見富貴大家不可遂生欣願人有
重器不可估其價貨訾貨通汎泛同徧也門庭內外

徧埽曰埽。埽席前片地曰拊。拊糞通。但除不潔不徧
埽也。簟席也。席上不用帚。恐反汙席。箕以盛糞。壞厝
胸也。搗葉通。箕舌薄如葉。內向胸。不使塵及尊長。凡
以事問人不答。必有隱。則不貳問。貳再也。如問人卜
筮。且問曰。所卜爲義理乎。爲心志乎。如義理可再問。
心志不再問。恐有隱也。卽不貳問之類。鄭解恐非。尊
長於已踰等。父師之行。不敢問其年。嫌與序齒也。私
居進見。不敢使擯介將命。卑幼非賓主也。遇尊長于
道路。見已則進而面。不見則却避。勿煩以禮也。不問
所往。不敢叩其私也。弔尊長之喪。俟其有事哭泣時。

不特弔恐尊長特哀也。侍坐必端慙。非有命不敢擅操琴瑟。不以手畫地指示。不以手形容物像。不以暑揮扇。襲扇也。如尊長寢有命。則跪而將之。射二人爲耦。各四矢。彼此更迭取。禮也。若卑幼與尊長耦。四矢并取。不敢與尊長更迭。故曰約矢。凡投壺亦賓主各四矢。尊長委矢于地。一一取投。卑幼擁抱其矢。不敢委地。射投勝。尊長當飲。不敢徑酌。必先洗爵以請客。卽尊長如客勝。已亦請命自酌飲也。不角。不敢與尊長角勝負。投壺之勝算曰馬。每勝一矢爲立一籌。謂之馬者。以爭先名。四矢合立四馬。而勝敗不全。或一

人得二一人得一則二馬者擯取一馬成三謂之擯馬卑幼雖得二馬不敢擯尊長之一馬以爭勝崇讓也

執君之乘車則坐僕者右帶劔負良綬申之面拖諸幣竟以散綬升執轡然後步

執執御謂君未登車時曲禮謂展軫效駕取貳綬跪乘驅之五步而止是也坐跪也跪乘敬也帶劔宜左而右者君在車左避也綬挽以登車之索良綬正綬也負背負也面猶前也君由車後升僕以背負正綬授君而申其餘于前拖于幣上皮覆軾曰幣此君升

僕授綬之禮也。散綬副綬也。以散綬升。僕先自升也。無授綬者。繫綬車上。自挽以升。待君升。僕者乃理轡執之。然後驅也。

請見不請退。朝廷曰退。燕遊曰歸。師役曰罷。侍坐於君子。君子欠伸。運笏。澤劒首。還旋屣。問曰之蚤莫。雖請退可也。

人情欣慕則請見。厭怠則思退。故見可請。退不可請也。朝廷士所登進于其去曰退。燕遊不可長往于其退曰歸。師旅徒役人所勞苦于其歸曰罷。罷止也。疲也。疲故止。志疲則欠。體倦則伸。坐久故也。凡物在手。

曰運手沾物曰澤。運所摺之笏。摩所佩之劍首。旋轉席前所脫之屨。則君子有欲起之意。侍坐者雖請退亦可矣。

事君者量_亮而后入。不入而后量。凡乞假於人。爲人從事者亦然。然故上無怨而下遠罪也。

量籌度也。入進也。量其可進而后入。旣入而后量。則無及矣。乞假借貸也。從事從人服事也。亦然。亦先量也。量而入。故有與道致治之效。而上無怨。無失身僨事之悔。而下遠罪。如此。乃謂之知禮。

不窺密。不旁狎。不道舊故。不戲色。

不窺密，不伺人之隱，旁狎詭隨，親暱之狀，生平舊故，向人稱道，則似有所要挾戲色，謂嬉笑。

爲人臣下者，有諫而無訕，有亡而無疾，頌而無調，詔諫而無驕，怠則張而相之，廢則埽而更之，謂之社稷之役，訕，謗也，亡，去也，疾，怨恨也，頌，美也，調，諛也，驕，亢也，怠，謂君德不脩也，廢，謂政事敗壞也，役，功勞也。

母拔來，母報往，母瀆神，母徇枉，母測未至，士依於德，游於藝，工依於法，游於說，母訾衣服成器，母身質言語，言語之美，穆穆皇皇，朝廷之美，濟濟翔翔，祭祀之美，齊齊皇皇，車馬之美，匪匪翼翼，鸞和之美，肅肅雍雍，問國君

之子長幼長則曰能從社稷之事矣幼則曰能御未能御問大夫之子長幼長則曰能從樂人之事矣幼則曰能正於樂人未能正於樂人問士之子長幼長則曰能耕矣幼則曰能負薪未能負薪執玉執龜策策不趨堂上不趨城上不趨武車不式介者不拜

拔報皆急疾之狀掘起曰拔急反曰報卽詩云其爲飄風之意士君子儀度雍容往來勿倏忽也毋瀆神所謂敬鬼神而遠之毋循枉不循行枉曲所謂務民之義也毋測未至不逆其將來所謂行法俟命也三者皆循理素位之事爲士者以德爲依而閒習於六

藝爲百工者以法爲依而開習于師說人衣服成器
毋估計其價值之多少人言語辨論毋身質任其是
非穆穆深也皇皇美也濟濟密也翔翔舉也匪斐通
文也鸞和車馬之鈴肅肅雍雍應和之節問國君大
夫之子謂臣下自相問對御御車樂人卽大司樂樂
正之屬教國子者也長則能從樂人學幼則始見正
于樂人或尙未能見正于樂人也士之子賤長則能
耕田幼則始能負薪或尙未能負薪也張足直前曰
趨兵車不爲禮故不式武容不挫折故不拜

按對國君大夫之子與曲禮小異而曲禮爲近曲禮

國君子幼曰未能從宗廟之事此曰未能御御非主職故鄭作治事解然旣能治事豈得謂幼本謂長則能從社稷幼則能御車耳用天子以德爲車以樂爲御之意

婦人吉事雖有君賜肅拜爲尸坐則不手拜肅拜爲喪主則不手拜葛經而麻帶

肅拜卽今婦人拜端肅立微俯躬足不跪手不及地男子手及地加首于手曰手拜婦人唯凶事稽顙拜手至地吉拜皆立雖拜君賜亦立餘可知矣禮吉祭無婦人尸唯虞祭婦爲祖姑尸尸皆坐古坐卽跪男

拜皆坐婦人當爲尸坐。王賓拜。尸答則起而立。俠拜亦不坐而手拜也。爲喪主。謂與其夫共主。舅姑長子喪之類。不手拜。謂稽顙也。葛經。謂婦人大喪卒哭後。以葛易首經。而帶仍用麻。婦人重要也。喪小記。謂易服先易輕是也。

取俎進俎不坐。執虛如執盈。入虛如有人。凡祭於室中。堂上無跣。燕則有之。未嘗不食新。

俎以盛牲肉。取謂取肉于俎。進謂進肉于俎。俎高有足。立便也。執無物之空器。如有物滿器中。入無人之空室。如有人在室中。皆主敬不二之意。跣謂脫屣。凡

祭言義解 卷二 三
祭祀燕飲。或于室。或于堂。祭主敬。不惟堂上。雖室中亦不敢脫屣。燕主恩。不惟室中。雖堂上亦脫屣。嘗謂薦新于廟。祖考未嘗。則孝子未忍食新。

僕於君子。君子升下。則授綬。始乘則式。君子下行。然後還。立乘貳車。則式。佐車則否。乘貳車者。諸侯七乘。上大夫五乘。下大夫三乘。有貳車者。之乘馬服車。不齒觀君子之衣服。服劔乘馬。弗賈。嫁

御車曰僕。君子升車下車。僕皆授綬。始乘謂君子尚未登車時。僕式致敬。以待君子升。君子下車行矣。然後御者旋車立脫駕也。乘。謂代乘。貳車佐車。皆副車。

文曰貳武曰佐貳車則式以乘佐車則否武尚質也
有貳車者皆尊貴人其車馬衣服皆不可齒齒者論
其年歲新故弗賈謂不估其值平尊者物不敬

其以乘壺酒束脩一大賜人若獻人則陳酒執脩以將
命亦曰乘壺酒束脩一犬其以鼎肉則執以將命其禽
加於一雙則執一雙以將命委其餘犬則執縹守犬田
犬則授擯者旣受乃問犬名牛則執紉馬則執鞚的皆
右之臣則左之車則說脫綏執以將命甲若有以前之
則執以將命無以前之則袒囊奉胄器則執蓋弓則以
左手屈韜獨執拊撫劔則啟櫝蓋襲之加夫扶褱僂與

劒焉。笏書脩苞首弓。茵席枕几。穎枲琴瑟。戈有刃者。積句筵簪。其執之皆尚左手。刀卻刃授穎。削授拊。凡有刺刃者。以授人。則辟刃。乘兵車出先刃。入後刃。

乘壺四壺也。脩脯也。十脰爲束。卑者曰賜。尊者曰獻。所執惟脩。而辭則并稱酒與犬也。鼎肉肉之已解剔。可升鼎者。卽執肉以將命。禽加于一雙不止一雙。惟執一雙以將命。縹牽犬繩。犬種三。防宅曰守犬。逐獸曰田犬。供庖曰食犬。田犬守犬有名。故問。紉以牽牛。鞫以牽馬。皆用右手便也。臣謂俘虜以左手操其袖。右手防其不測前。謂獻物必先有所執以將命。如獻

甲者無所先則袒其幾甲之衣奉冑以將命袒開也
褰甲衣也冑兜鍪冑甲也獻器皿者執其器之蓋以
將命獻弓者左手屈弓衣至把執之弓把曰拊曲禮
謂右手執簫左手承拊是也橫劔匣襲重也取匣蓋
卻而重之底下夫橈劔衣加衣匣中置劔于上也笏
也書也脯脩也與一切苞裹苴藉餽餉之物也茵褥
也席也枕也几也穎鏑也杖也琴也瑟也戈之有刃
者則加櫜篋著篋簫如笛以上十五物皆左手執上
右手承下便也授刀者刀向後授以把穎刀把也削
古書刀拊亦把也辟刃謂不以刃向人戎車必載兵

出則先刃向敵也入則後刃嫌倒戈也

按鄭註凡穎之穎爲警枕然上旣言枕矣又以刀授穎之穎爲鑲鑲不可爲穎穎者開發銳利之名故禾穗曰穎古人佩觿卽今之錐解結開閉有把而後可發故觿稱穎刀把亦稱穎毛遂謂如錐處囊脫穎是也錐鑊同卽觿也

軍尚左卒尚右賓客主恭祭祀主敬喪事主哀會同主詡許軍旅思險隱情以虞

左爲陽生方故出師以左爲後將軍尚左欲其生還也右爲陰死方故師行以右爲前士卒尚右欲其効

死也。賓客尚辭讓。故主恭。祭祀尚嚴肅。故主敬。諸侯會同尚文物。故主宣揚。詡宣揚也。軍旅凶危。尚思慮險難。隱密已情。以虞度敵人。皆禮之要也。

燕侍食於君子。則先飯而後已。毋放飯。毋流歡。小飯而亟之。數焦焦毋爲口容。客自徹辭焉。則止。客爵居左。其飲居右。介爵酢爵俱連爵皆居右。羞濡魚者進尾。冬右腴。夏右鱠。奇祭膾呼凡齊去執之以右。居之於左。贊幣自左。詔辭自右。酌尸之僕。如君之僕。其在車則左執轡。右受爵。祭左右軌。范乃飲。

燕燕飲將食。不待君子讓而先飯。食竟必待君子畢。

而後已。曲禮曰：主人未徧，客不虛口，是也。鄭解後已，爲勸食，恐非。放飯，捨食也。流歠，長飲也。小飯，含哺少也。亟之，入口頻也。數噍，爵食欲數數然，不得從容弄口爲容也。凡奠爵，左爲尊，客飲則受而奠于殽右，不飲奠于殽左，飲則右便也。賓之副曰介，賓酌主曰酢。僕之言，遵鄉先達來觀禮者，爵皆居右，殊于賓也。羞進也。濡魚，熟魚有汁者。魚之美在尾，魚行以尾，故數魚以尾。薦魚亦先尾。乾魚在俎，則橫濡魚進，則以尾當客。陽氣所在，魚味美。冬陽氣在下，魚美在腴。腴腹也。以腴向右。夏陽氣在上，魚之美在鰭。鰭脊也。以鰭

向右。右便取也。腴鱠有左右。進尾則同。大饔曰膳。食必先祭。進魚則以一大饔加俎上待祭。齊劑通和也。食羹欲和。醯醬以右手執。醯醬羹器居左便也。君以禮致幣于賓。相幣者自君左將之。尊賓也。君有詔令于下。傳辭者自君右傳之。臨卑也。尸之僕御尸車者也。尸行有祖道之祭。酌酒獻僕。如君獻僕之禮。尸尊如君也。僕在車以左手執轡。右手受爵。祭左右兩軌與范。然後飲軌。車輪范。範通車箱。以其範圍所載。故曰範。

凡羞有俎者。則於俎內祭。君子不食國豢腴。小子走而

不趨舉爵則坐祭立飲凡洗必盥牛羊之肺離而不提
心凡羞有潛泣者不以齊爲君子擇葱薤薤則絕其本
末羞首者進象祭耳尊者以酌者之左爲上尊尊壺者
面其鼻飲酒者機尊者醺者有折俎不坐未步爵不嘗
羞牛與羊魚之腥聶而切之爲膾麋鹿爲苴野豕爲軒
皆聶而不切麋爲辟雞兔爲宛脾皆聶而切之切葱若
薤實之醯以柔之其有折俎者取祭反之不坐燔亦如
之尸則坐

羞謂所進殽品俎長橫席前祭不得出俎外卽俎內
祭之無俎設豆于豆間祭之罔黍通穀食曰黍犬豕

是也。腸胃曰腴。犬豕食穀。腸胃似人。故不食。若牛羊腸胃。祭享用之。小子未成人。不徐趨。不坐飲。分卑。不得與賓介俱備。禮容也。凡洗爵。必盥手。凡祭以肺。離謂但割之使開。而不絕其中央少許。祭則以手提而絕之。曰提。不言豕。可知也。滫。汁也。齊。劑通和也。凡羞有汁者。已和。客欲和。取無汁者。和有汁。是以主人之味爲不調也。進牲首。以蒙向客。客祭則取耳。尊。酒器尊者。設尊者。酌者。酌酒者。尊南北直陳。以南爲上。設者東面。則南爲右。酌者西面。則南爲左。故云尊者以酌者之左爲上尊。尊壺以壺爲尊。陳設之也。鼻。壺面。

也。面鼻以壺面向尊者飲酒。燕而飲也。機沐而飲也。醯冠而飲也。折俎。折牲體爲俎。盛饌也。不坐立行禮。禮盛不坐。坐必徹俎。步爵。猶行爵。謂獻酬也。先飲酒。後嘗羞。禮以酒爲主也。腥。生肉。聶。大鬻也。切。細剉也。辟雞宛脾。解見內則。有折俎。則取俎肉以祭。而反其餘肉于俎。皆立爲之。卽前云取俎進俎不坐也。燔。燒肉助奠。亦以俎。如之。謂取反亦不坐。此賓客之禮。尸則否。皆佐食授之也。

未服在躬而不知其名爲罔

知其名。謂識其義也。學記云。不學雜服。不能安禮。故

曰罔也。此語真雅言之要。記者因下文無燭與瞽并記于此。卽大學云心不在焉。食而不知其味。中庸云人莫不飲食。鮮能知味之意。飲食衣服一也。恒人昏迷放佚。飲食而知其味。衣服而知其名者。天下鮮矣。罔昏迷也。亦暗行無燭。瞽者之類。君子所以貴行著習察也。

其未有燭而後至者。則以在者告。道瞽亦然。凡飲酒爲獻主者。執燭抱燭。爵客作而辭。然後以授人。執燭不讓。不辭不歌。洗盥執食。飲者勿氣。有問焉。則辟呬而對。

燭炬也。古以薪爲燭。獻主卽主人。燭炬之未燹者。禮

賓主相與辭讓廢歌主執燭則廢禮是以客辭主乃以燭授人奉水洗盥與執食飲進尊長勿使氣觸之尊者有問偏其口而對辟偏也口旁曰呬

為人祭曰致福爲己祭而致膳於君子曰膳祔練曰告凡膳告於君子主人展之以授使者于阼階之南南面再拜稽首送反命主人又再拜稽首其禮大牢則以牛左肩臂屬去聲折九箇少牢則以羊左肩七箇特豕則以豕左肩五箇國家靡敵則車不雕幾甲不組膠食品不刻鏤君子不履絲屨馬不常秣

爲人攝主或助祭歸胙于君子則曰致福己祭歸胙

于君子則曰供膳耳不敢言致福也其祔與小祥之祭歸胙于君子則曰告祔練耳不敢言膳也凡以膳告致君子主人展視其物授使者獻之其禮謂主人所用之禮用大牢則獻牛用少牢則獻羊豕則獻豕皆左肩祭用右故獻左肩臂臠皆前脚肩下曰臂臂下曰臠折九箇斷爲九也靡敝靡散雕敝也雕幾車上雕刻爲細紋也組滕甲上以組紃聯絡爲飾也穀食馬曰秣